

ত্রিপুরা সরকার
তথ্য ও সংস্কৃতি অধিকার

স-৩০৮১

আগরতলা, ২৬ সেপ্টেম্বর, ২০২৫
প্রকাশিত সংবাদের স্পষ্টিকরণ

“চাকরির মোড়কে নতুন চিটফান্ড !” শিরোনামে ২৪-০৯-২৫ তারিখে প্রতিবাদী কলম পত্রিকায় প্রকাশিত সংবাদটি জনজাতি কল্যাণ দপ্তরের দৃষ্টি আকর্ষণ করেছে। জনজাতি কল্যাণ দপ্তরের পক্ষ থেকে টিআরইএসপি’র চিফ অপারেটিং অফিসার গজেন্দ্র ভার্মা জানিয়েছেন যে সংবাদটি ভিত্তিহীন, সত্য নয় এবং বিভ্রান্তিকর। তাই দপ্তর সংবাদে উল্লিখিত অভিযোগগুলি পরিষ্কারভাবে অস্বীকার করেছে। কারণ টিআরইএসপি প্রকল্পটির দায়িত্বে রয়েছে মুস্হই-এর টি এন্ড এম সার্ভিসেস কনসাল্টিং প্রাইভেট লিমিটেড এবং এই সংস্থা ২০২৩ থেকে কাজ করে আসছে। এখন পর্যন্ত সমস্ত ধরণের কর্মী নিয়োগ সবকিছু খতিয়ে দেখে স্বচ্ছ প্রক্রিয়ায় সম্পন্ন হয়েছে। টিআরইএসপি এবং টি এন্ড এম সার্ভিসেস কনসাল্টিং প্রাইভেট লিমিটেড স্বচ্ছতার সাথে ত্রিপুরা সরকারের সমস্ত সংরক্ষণ নীতি ও নির্দেশিকা মেনে কাজ করেছে।

এক প্রেস রিলিজে তিনি আরও জানিয়েছেন যে, সমস্ত আবেদনপত্র অনলাইনে গ্রহণ করা হয় এবং টি এন্ড এম তা যাচাই করে প্রার্থী বাছাই করে। নিয়ম অনুযায়ী ত্রিপুরা সরকারের উচ্চপদস্থ আধিকারিকদের উপস্থিতিতে ক্যাটাগরি-১ এবং ক্যাটাগরি-৩ পোস্ট এবং সমস্ত পোস্টের (ক্যাটাগরি-২ এবং ক্যাটাগরি-৩) জন্য পার্সন্যাল ইন্টারভিউ করা হয়। এ সমস্ত প্রক্রিয়াতে ব্যক্তিগত কোন পক্ষপাতের প্রশ্ন উঠে না। টি এন্ড এম সার্ভিসেস কনসাল্টিং-এর ওয়েবসাইটে সমস্ত নিয়ম নির্দেশিকা দেওয়া রয়েছে।

আপাত দৃষ্টিতে প্রকাশিত সংবাদ থেকে মনে হচ্ছে এই নিযুক্তি প্রক্রিয়ায় কোন নির্দিষ্ট ব্যক্তি নির্বাচিত না হওয়াতে এরকম অভিযোগ আসছে। কেননা ১৭ সেপ্টেম্বর, ২০২৫ নিযুক্তি পরীক্ষার ফলাফল প্রকাশিত হওয়ার পর থেকে টিআরইএসপি সম্পর্কে এরকম আক্রমনাত্মক সংবাদ প্রকাশিত হচ্ছে। তাছাড়া যে প্রার্থী ফাইন্যান্সিয়াল ম্যানেজমেন্ট স্পেশালিস্ট পদের জন্য নির্বাচিত হয়েছেন তিনি ত্রিপুরার স্থায়ী বাসিন্দা যার উপর্যুক্ত শিক্ষাগত যোগ্যতা এবং সংশ্লিষ্ট ক্ষেত্রে ৩০ বছরের বেশি অভিজ্ঞতা রয়েছে। তাই উল্লিখিত সংবাদটিতে যুক্তিসঙ্গত কোন তথ্য নেই।
